

Stanje u Srednjoj školi Stolac je odgovornost SDA i HDZ-a BiH



„Stanje u Srednjoj školi Stolac je odgovornost stranaka koje čine vlast u toj općini i u koaliciji su na razini Federacije BiH“, rekao je visoki predstavnik i specijalni predstavnik EU, Miroslav Lajčák, povodom otvorenog pisma koje mu je uputio predsjednik OO SDA Stolac Zlatko Hadžiomerović.

„Očekujem prvenstveno od izabranih lokalnih predstavnika vlasti, uključujući gospodina Hadžiomerovića, da se suoče sa nagomilanim problemima u toj školi. Nije rješenje pisati otvorena pisma i prozivati koalicione partnere u medijima“, naglasio je Lajčák.

Vlasti se sada moraju fokusirati na omogućavanje upisa u školu i izdavanje svjedodžbi maturantima.

„Ako lokalni predstavnici vlasti nisu u stanju raditi posao za koji su izabrani, jedini mogući izlaz je da odstupe sa svojih funkcija i omoguće drugim ljudima da riješe sva otvorena pitanja za dobrobit svih učenika Srednje škole Stolac“, rekao je visoki predstavnik i specijalni predstavnik EU. „Djeca ne smiju ispaštati zbog političke nezrelosti i nesposobnosti lokalnih vlasti da preuzmu svoju odgovornost“.